

近代詩鈔

十九

近代詩抄

卷六

近代詩鈔

王景

景初名懷芬字蘭生侯官人光緒辛卯舉人有秋影庵遺詩

石遺室詩話同治季年陳芸敏葉損軒方持祧唐宗宋之說蘭生乃務爲幽峭一路手鈔錢蔣石厲樊榭萬柘坡金冬心祝芷塘黎二樵諸家詩既而自嫌少江山助從蜀學使者校文徧歷蜀中山水得詩數百首斷句如一鳥乍從深竹出孤花欲倩短牆扶問路心懸入峽水寄書目斷過江船山勢銳於牛礪角江流鬱似馬羈槽山泉氣壯來羣馬野樹根孤立半人五言如竹暗漸低月池光還受人窗明伴書月衣帶過江雲皆佳

雨夜

好春明日是花朝雅集分題不寂寥詩社重來曾有約酒徒何處更堪邀白衣烏帽山塘路竹粉松毛野寺橋恁我清閒輸我健往年那不雨瀟瀟

春曉

朝來雨氣斂階除日色熹微上綺疏試拂新巢招社燕預收清水養盆魚當餐喜啖初抽筍宿墨間臨破體書一客都無簾押下暫時何事可愁予

示肖虞

光燄爭誇萬丈強幾人得路向康莊山窮水僻行蹤少便是詩家好道場

錦江遣懷六絕句

錄四

塔影微瀾九眼橋合江亭外雨瀟瀟
鳴蟬隔樹如相訊江上詩人太寂寥

竹外連村八九居瓜棚豆格暎森疎
移家安得偕兒女織錦閒時學捕魚

曉霧霏林月墮汀櫓枝搖夢夢初醒
一行飛鷺白於雪點破數峰江上青

春鉏照水疎疎白御麥搖風細細黃
賺我酒魂乍無定半江帘影送斜陽

初至嘉州聞絡緯

凌雲江上獨沈吟絡緯聲中夜向深
筇柱誰家風黯黯機絲隔巷雨悵悵
不堪長物搜殘篋何處寒衣搗暮碁
討句不成尋夢淺孤燈知我此時心

萬景樓

九峰三水各悠悠遠近蒼黃眼底收人比白雲難小住天教積
雨慰斯游當階草色晚將變壓樹蟬聲秋更迺未敢樓前久延
佇鄉心鶴企易生愁

嘉陽行船曲四首

妾居近在明月旁郎從鬱姑山上望問郎積寶能幾許逢人道
妾工縫裳

三江江水匯平羌暮暮朝朝打槳忙郎在船頭妾船尾一帆隔
斷船中央

何須三水開明鏡嬾與三峩鬪遠妝日日烏牛山下去爲郎網
得墨魚香

莫說風波思故鄉二千里外是瞿唐離堆今夜好明月伴妾江

頭拜竹郎

次白升亭八月十五夜坐雨韻

對酒不能醉淒然萬里游相依聊數子未便似中秋雨戀燭邊
話詩分病裏愁老蟾如有意更莫照閩州

鎖江亭晚望懷叔伊

鐵鎖何年置江亭望宛然孤城雙鳥下獨客亂山前夕氣浮瀟
水晴光放漏天素心天末感無語立蒼煙

得芸敏都門書兩月矣無便郵不得作答

珍重京華尺一書征鴻渺渺報章虛茂林只恐秋方病中散惟
應懶未除自分交情同輩外無因客况半年餘敲門落葉深秋
雨例到蕭閒恐不如

留別家仙洲農部

一舸西風下白波天涯迴望意如何長安索米原非易蜀道題
詩莫厭多冷淡交情秋後見荒寒歲事鬢邊過他年良晤文章
在實理從君證茗柯

既束裝矣實孚侍御苦留意不可却卽賦送隴初並訂相
見之期

布帆買就君先往極目蠻江滾滾來夔國尋詩杜甫宅荆門張
樂馬融臺休因風雪銷餘興便見江山仗大才明歲扁舟下黃
鶴一杯遲我菊花開

十一月十四夜有懷叔伊

羣睡忽已寂孤月積如水壁燈淡無明累累燄將委披衣起庭
戶微諷松風起松枝影踈地奇字變籀史慨然念伯玉家居樂
妻子打頭數間屋雜樹翳軒几讀書愛夜靜不覺僵凍指年來

嗜酒懷我別黨有幾傾
盆紅如丹香潑梅樹底
大醉應念我饒涎落萬里

梅子關

萬仞摩天梅子關
關前七十二溪環
路人爲指巴亭縣
數片殘雲無定間

登武陵山同希村

武陵孤峭似太華
眞形時時蟠心胸
雪中經行復茲道
躋討詎患高
巖崿初從黃草轉
幽際人聲鳥哢空
諸峰磴苔拳跼
颺伶俦天門一路
盤曲通蜿蜒數里
得坦適篁松夾逕
撞笙鐘白雲指顧
團團天不知已在
姮娥宮隱空蔽日
青桂叢泉紳十丈
橫長虹登顛相與
試法乳甘冽一洗
腰脚恫羽人峩峩
蘊奇氣噓雲吹霧
來朝宗或如珮環
弄好女或如珪璧
陳上公剛健婀娜

態度別後先羽衛俱春容虎頭平生筆不到雕鏤神妙窮天公
其餘俯仰紛錯綜譬如凡馬羞追風茲山千年隸蠻荒鍊魄豈
無真人蹤石牀丹竈杳不見前林空見夕陽紅催歸我不愁匆
匆今宵山下抱寒眠還能飛夢凌山中

去下巖寺里許山中有一人家幽絕

野老真成世外尊背山臨水起孤村菜花深處通幽徑柳葉陰
中閉口門浣女雨餘春白石耕牛日暮繫孤根可憐奔走江湖
客躡足潛過不敢言

近代詩鈔

高向瀛

向瀛字穎生福建□□人光緒□□舉人官浙江候補知府

春日雜題

錄二

黃農不可作虞夏忽已沒首陽仁義人老死食薇蕨後生悲所
遇望古嗟咄咄寫懷託聲詩編集刪年月淚來如湧泉痛極幾
刺骨願化辛有魂不見祭野髮鐵函鍵心史留待百年發鐵質
有銷沉鐵心無枯竭

雜花綴衆綠生意紛吾齋港灣春水長隔岸桑正佳吳越昔屯
戍此地雄椎埋承平漸文化無德亦易懷微祿充吏隱官舍如
牛蝸門前通太湖導江更達淮日間何公事討魚檢詩牌吏民

爭指笑疎脫忘形骸但願民智進愚賤富貴儕再願民俗醇婦
子耕鑿偕容我記廳壁哦松日嘲諧今年蠶信好猶恐風雨乖
新絲且先賣買米又量柴

視媿室病

三高爭說白眉良濱海春風一榻涼瘦骨猶能天下任老懷不
減少年狂索詩豈欲如生祭顧影終當作國殤性命付醫家付
弟祇愁活國更無方

送石遺丈入都

文集詩囊共北征山寒木落海天清經行時覺兵戈氣感逝深
含骨肉情故里宗風闕十字上庠矜式魯諸生懸知一榻尋滄
趣爲道黃門雪鬢成

棗下吟

棗下高歌纂纂完餘生杯酒話辛酸城中飛鳥師廝卒屋底啼
烏走達官已見立碑功德大幸無愛鼎誓盟寒輸金函首尋常
事獻納空爭一字難

天台山雜詩

雙澗迴瀾尙昔時國清塔下夕陽遲寺名若應興朝讖忍淚登
高讀御碑

滿山雲霧種僧家到處茅庵日試茶竟似樊川賢太守清泉活
火作生涯

石梁咫尺隔仙蹤煩想靈溪欲濯胸絕好人天初定後飛流百
道數聲鐘

壬戌三月既望拜螺洲文誠公墓下卽送弢庵太傅還京

門館肅遺像景行平生思慶基延舅仍

先三
太傳日公
命名曰仍
孫生

上冢

剛及期沈陰得開霽春江舟倭遲溪橋綠草徑綠水湖田滋月
池繚周垣入門臨豐碑霜松森就列想見兩觀儀深書大司寇
東家義在茲聞人滿天下寧能容清時宰木九十年一誠終主
知繩武今誰屬曾孫鶴髮姿出山一紀強玉座需扶持捧勅歸
江鄉焚黃盛典垂易名曠代恩醑酒含淒悲故老羨矍鑠謂真
吾皇師婦孺望鬚眉如接天顏怡登山見時沿途世運雖尙否人
心無可疑輿櫬行有日誓墓跪有辭一身家國重在天式憑之
孤憤鬱草莽豈獨懷舊私撫撫北園路白日方西馳

近代詩鈔

吳學廉

學廉字澗泉安徽廬江人光緒辛卯舉人官江蘇道有
賞寂堂詩稿

丙午九日北極閣登高

龍虎山城擁壯圖金陵從古帝王都江流東去英雄盡秋色西
來風景殊九日登臨宜曠快百年往復足嘻吁關河自有無窮
事獨恨乾坤一腐儒

戊申大汛駐高郵督廳汛官弁守護河工堤壩舟中苦熱

二首錄一

運河納淮泗迂遠入江流西岸連數湖東岸覆數州大汛衆水

匯奇險集高郵治河使君職行部在扁舟水誌日報增

凡廳官
汛弁於

近代詩鈔

吳學廉

一

一

大報以時皆日有水誌尺橫流真足憂三壩最當衝車避南關最爲新

險千夫宜急求余到工閱三壩役培加培子壩而近水乃嚴責廳一

紙官書催舉鍾如星稠三日工遂訖障川差可侔成災豈天意

多未盡人謀惟願策羣力吾民其有秋東堤外裏下河七窪州縣

堤潰決則秋稼爲先被淹沒故以保壩爲先

游高郵露筋祠

小閣高林人寂寂虛堂香霧晝沈沈靈旗不動蟬聲歇三十六

湖煙水深

次韻鄭蘇戡九日滬上徐園登高

流轉年光付燕鴻茱萸會裏一衰翁出塵自有人間世吹帽聊
當海上風蒲柳飄零秋已老關河迢遞事無窮高樓未負登臨
晚留得斜陽萬頃紅

殘臘六十初度客青島作

向老逢辰自可哀客中餞臘望春回
衰遲餘日供文字憂患終年付酒杯
行樂未妨兒輩覺對眠難得弟昆來

博泉怡泉兩弟及尹樹兩兒皆

由滬日內到此

移情海上鄰張李

張駿樓李季皋皆居島上日相過從

縱浪乾坤笑口開

次韻李悔庵春感

向道人間重晚晴空餘霜鬢尙論兵

近擬以管見探輯古今兵略

百年更見

多憂患四海誰堪共死生殺馬固應從此逝藏刀慵作不平鳴

寒儒草木甘同腐未要潛夫與論榮

潛夫論有論榮篇

乙卯四月自滬抵金陵下關入城初返鑑園

暮年蕭瑟客江關松菊猶存爲暫還鍾阜英靈應識我草堂依

舊對青山

黃塵歌吹厭喧囂來聽空城寂寞潮剩水殘山舊時月人間真